

Upravni odbor ustanove čine dva predstavnika osnivača, jedan predstavnik roditelja korisnika. Predsjednika Upravnog odbora, u slučaju njegove odsutnosti, mijenja član kojeg ovlasti upravni odbor na sjednici, većinom glasova ukupnog broja članova upravnog odbora. U upravni odbor ne može biti izabran direktor ustanove.

Član 17.

Mandat predsjednika i članova upravnog odbora je 4 (četiri) godine.

Član 18.

Člana upravnog odbora iz reda roditelja korisnika usluga biraju roditelji korisnika usluga većinom glasova prisutnih roditelja, na sjednici koju saziva direktor ustanove.

Član 19.

Upravni odbor Dnevnog centra radi i odlučuje na sjednicama.

Sjednica Upravnog odbora se može održati ako joj prisustvuje više od polovine članova Upravnog odbora.

Upravni odbor odlučuje većinom glasova ukupnog broja članova.

Upravni odbor, po pravilu, odlučuje javnim glasanjem, u skladu sa Zakonom.

Izuzetno od stava 4. ovog člana, o pojedinim pitanjima Upravni odbor, može odlučivati tajnim glasanjem, na predlog većine članova Upravnog odbora.

Sjednici Upravnog odbora obavezno prisustvuje direktor Centra, koji ima pravo učestvovanja u raspravi, bez prava odlučivanja. U slučaju odsutnosti ili spriječenosti direktora, sjednici prisustvuje lice, koje ovlasti direktor.

Član 20.

Predsjednik Upravnog odbora:

- saziva sjednice i rukovodi radom sjednica UO,
- predlaže dnevni red za sjednice UO,
- potpisuje odluke i druga akta koje donosi UO,
- stara se primjeni poslovnika o radu UO,
- stara se o blagovremenom izvršavanju programa i planova UO,
- vrši i druge poslove koje mu povjeri UO.

Član 21

Rad upravnog odbora bliže se uređuje Poslovníkom o radu upravnog odbora.

X RAZRJEŠENJE PREDSJEDNIKA I ČLANA UPRAVNOG ODBORA

Član 22

Predsjednik ili član upravnog odbora može biti razriješen prije isteka mandata, ako:

1) podnese ostavku,

2) postupa suprotno zakonu ili statutu ustanove,

3) ne vrši dužnost duže od šest mjeseci,

4) pravosnažno je osuđen na bezuslovnu kaznu zatvora

Predsjednik i član upravnog odbora, pored razloga navedenih u stavu 1 ovog člana tačka 1 do 4 može biti razriješen prije isteka mandata ako ne štiti javni interes.

XI DIREKTOR